

[Timor-Leste Ministry of Finance](#)

VIII GOVERNUN KONSTITUSIONAL HAHU'U HALO PREPARASAUN BA OGE 2019



Dili, 12 Setembru 2018,

Hahu'u horiseik, 12 Setembru 2018, tuku 2.00 lokraik, iha Salaun Enkontru Ministériu Finansas, Aitarak Laran, Membrus VIII Governu Konstitusional hahu'u diskusaun informal kona-ba preparasaun ba prosesu Orsamentu Geral Estadu (OGE) 2019 ne'ebé lidera hosi Primeiru Ministru, Sr. Taur Matan Ruak.

Diskusaun ne'e sei halao durante loron tolu nia laran ne'ebe sei involve mos ekipa téknika hosi Ministériu Finansas, UPMA, CNA, ADN, SGP, FDCH hodi fahe informasaun kona-ba prioridades ne'ebé sei implementa iha 2019 alinha ho PEDN no ODS nune'e mos ho sekuensia preparasaun OGE 2019 no inklui prosesu kona-ba ezekusaun orsamentu iha tinan 2018 nia laran.

Diskusaun ne'ebé involve mos membru governu sira hotu importante tebes iha faze inisiu preparasaun orsamentu hodi bele konsolida informasaun hotu hotu hosi instituisaun chave sira ho nune'e Governu bele formula orsamentu ida ho kualidade no eficiencia ho baze ba politika VIII Governu Konstitusional.

Diskusaun preparasaun ba OGE 2019 ne'e hahu'u loron 12 Setembru 2018 no sei ramata iha loron 14 Setembru 2018 no sei kuintina ho Journada Orsamental iha Segunda Feira, 17 Setembru 2018.

Atu hetan informasaun klaru liu, bele kontaktu

Agostinho Castro
Chefe Gabinete Komunikaun no Informasaun
Ministeriu Finansas
+670 7723 0124
acastro@mof.gov.tl